

BULETIN

# MIMBAR

BIL 140 (01/2018) / JAN-MAC 2018

WARTA KEGIATAN LEMBAGA AMANAH KEBAJIKAN MASJID NEGERI SARAWAK

PERCUMA



**MAJLIS PENYAMPAIAN PENGHARGAAN LAKMNS  
KEPADА JOHAN QARI TILAWAH AL-QURAN  
PERINGKAT NEGERI SARAWAK 1439H/2018M**

## SIDANG REDAKSI

### PENAUNG

Yang Berbahagia Tan Sri Datuk Amar Haji Bujang bin Mohd Nor Setiausaha Kehormat Lembaga Amanah Kebajikan Masjid Negeri Sarawak

### PENASIHAT

Tuan Haji Mohamad Sabry bin Haji Othman Pengurus Besar Lembaga Amanah Kebajikan Masjid Negeri Sarawak

### EDITOR

Megawati binti Haji Julaihi Ketua, Sektor Pentadbiran dan Pengurusan

Nona Zaharia binti Fadzil Ketua, Sektor Kewangan

### PENGARANG

Noratini binti Sebri Ketua, Bahagian Pengurusan Sumber Manusia

Haryati binti Mohamad Ketua, Bahagian Penyelidikan dan Pembangunan

Poniman bin Margiman Ketua, Bahagian Keselamatan

### PENOLONG PANEL EDITOR

Rahimah binti Ariffin, Guru MATTARY Misiah binti Wajhi, Guru MATTARY Azlyn binti Abdul Rahman, Guru MATTARY Nurul Ihsan binti Bohari, Guru MATTARY

## Wacana Pengarang

Dengan nama Allah Yang Maha Pemurah Lagi Maha Penyayang, syukur atas segala limpah kurniaan Nya kepada kita. Selawat dan salam buat Baginda Rasulullah S.A.W., kepada ahli keluarga Baginda, para sahabat Baginda.

## Assalamualaikum warahmatullahi wabarakatuh

Alhamdulillah, tahun 2018 sudah pun membuka lembaran dengan pelbagai sasaran dan azam yang harus diberikan tumpuan oleh kita. Pengarang ingin berpesan kepada diri pengarang termasuklah sidang pembaca yang budiman sekalian bersama-sama meningkatkan ketakwaan kepada Allah S.W.T. dengan melaksanakan segala perintah-Nya dan meninggalkan segala larangan-Nya agar kita mendapat keberkatan di dunia dan di akhirat. In Sha Allah.

Pembaca yang dirahmati Allah S.W.T. sekalian,

Sabtu tahun kita pasti akan menetapkan azam yang baharu walaupun kadangkala azam pada tahun lepas masih lagi belum kita realisasikan sepenuhnya. Sesetengah pihak mengatakan penetapan azam perlu sesuai dengan aliran semasa iaitu perlulah bersifat realistik dan bukan sekadar fantasi. Tetapi, bagi kita yang beragama Islam, wajarlah kita menetapkan azam baharu yang sesuai dengan ketetapan hukum syarak.

Pembaca yang budiman sekalian,

Sesungguhnya, niatkan azam kita kerana Allah, S.W.T. Tanamkan kepercayaan bahawa Allah S.W.T. mahu melihat kita sebagai hamba untuk berjaya kerana Allah S.W.T. senantiasa membuka jalan kepada hamba yang selalu berusaha. Anggaplah segala usaha keras kita itu sebagai satu ibadah. Semoga apa yang dilakukan akan dibalas dengan pahala. Itulah tanda keredhaan Allah S.W.T. kepada kita.

Selain itu, untuk menjadi insan yang lebih baik, lebihkan Hablum Minnas dan kurangkan Hamblum Minnallah. Niatkan azam kita untuk kebaikan bersama bukan kepentingan peribadi semata-mata atau dalam erti kata lain jangan tanamkan azam semata-mata untuk menunjuk-nunjuk.

Sebelum mengakhiri kalam, Pengarang berharap agar kita warga Lembaga Amanah Kebajikan Masjid Negeri Sarawak (LAKMNS) serta semua pembaca sekalian akan sentiasa dipayungi rahmat dan inayah daripada Allah S.W.T.

Sekian. Wassalam.

## BULETIN MIMBAR EDISI 140 (JAN-MAC 2018)

### > KANDUNGAN



07



11



19

- |  |   |
|--|---|
| <p>4 DARI HULU KE MUARA<br/>Masjid Darul Naim Kampung Baru, Kota Samarahan</p> <p>5 Imarah Masjid Dan Surau</p> <p>6 Majlis Penyampaian Penghargaan LAKMNS<br/>Kepada Johan Qari Tilawah Al-Quran Peringkat Negeri Sarawak 1439H/2018M</p> <p>7 Lawatan Islamiah Ke Galeri Al Quran, Shah Alam</p> <p>8 Taklimat bersama Ibubapa Murid-murid Tahun 1 MATTARY 2018</p> <p>9 Temuduga Polis Bantuan, LAKMNS 2018</p> <p>10 Taklimat bersama ibu bapa Murid 6 Tahun untuk kemasukan ke Tahun 1 Mattary 2018</p> | <p>11 Suntikan Imunisasi dan Pemeriksaan Kesihatan Tahun 1 dan Tahun 6</p> <p>12 Berita Bergambar</p> <p>14 Seruan Mimbar</p> <p>16 Bengkel Menjawab Soalan UPSR Tahun 2018</p> <p>16 Taklimat Ibu bapa murid tahun 6 Mattary</p> <p>17 Kursus Pra- Perkahwinan</p> <p>18 Ceramah Perancangan Kewangan</p> <p>19 Kunjungan Rombongan Mahabbah Masjid Sultan Idris Shah II, Negeri Perak</p> <p>20 Profil Warga LAKMNS</p> |
|--|---|

# HULU KE MUARA

BAHAGIAN MASJID-MASJID



MASJID DARUL NAIM,  
KAMPUNG BARU YANG TERKINI



MASJID DARUL NAIM,KAMPUNG BARU  
YANG TELAH DINAIKTARAF ERA 90-AN

## MASJID DARUL NAIM KAMPUNG BARU, KOTA SAMARAHAN

**Masjid Darul Naim, Kampung Baru, Kota Samarahan** menjadi pengisian ruangan Dari Hulu Ke Muara pada kali ini mengisahkan latar belakang Masjid Darul Naim, Kampung Baru, Kota Samarahan.

**M**enelusuri sejarah tahun 1982, masjid yang berkonsepkan tradisional Melayu ini dibina di atas tapak tanah waqaf dan dirasmikan oleh Tuan Yang Terutama Yang di-Pertua Negeri Sarawak, Tun Pehin Sri Haji Abdul Taib bin Mahmud merangkap Ketua Menteri Sarawak pada masa itu.

Pada era 1990-an, masjid ini telah dinaiktaraf dengan penambahan ruang solat di tingkat atas dan bilik serbaguna di aras bawah dengan peruntukan khas yang disediakan oleh Kerajaan Negeri Sarawak dan orang awam.

Pada tahun 2012, Masjid Darul Naim telah dinaiktaraf lagi dengan membesarakan tapak tanah wakaf seluas 2.5 ekar, sebuah kubah berwarna kuning keemasan, didirikan dua (2) buah menara bulat yang diilhamkan dari menara masjid di Negara Asia Barat dan dapat menampung seramai 500 orang jemaah pada satu-satu masa



## Imarah MASJID & SURAU

BAHAGIAN MASJID-MASJID



Program Lawatan Silaturahim, Penyebaran Maklumat dan Pengimaranan Masjid dan Surau meneruskan misi mingguan Unit Penyelaras Kegiatan, Bahagian Masjid-Masjid ke lokasi-lokasi di sekitar Bahagian Kuching, Kota Samarahan dan Serian.

Hasrat Lembaga Amanah Kebajikan Masjid Negeri Sarawak (LAKMNS) adalah untuk meningkatkan ikatan ukhuwah bersama institusi masjid dan surau luar yang memerlukan maklumat mengenai aktiviti serta peranan LAKMNS yang boleh dikongsikan bersama. Program lawatan yang dimulakan sejak tahun 2000 ini mendapat sambutan yang amat baik oleh Jawatankuasa dan Qariah Masjid dan Surau luar yang diziarahi.

Lawatan diketuai oleh Yang Berbahagia Dato' Haji Nahrawi bin Haji Abdul Rahman, Pegawai Perhubungan, LAKMNS serta beberapa orang pegawai dan kakitangan Bahagian Masjid-Masjid.

Pengisian program dimulakan dengan sembahyang Maghrib berjemaah. Kemudian, acara diteruskan dengan ucapan aluan oleh Pengerusi Masjid atau Surau. Sejurus selepas itu, Taklimat Sebaran Maklumat Fungsional, Program dan Aktiviti LAKMNS oleh Ustaz Zaimi bin Sakawi, Pegawai Bahagian Pentadbiran dan Pengurusan dan Ustaz Khairul Anam Hazmizan bin Hasli, Pegawai Pentadbiran Masjid Bandaraya Kuching.

Sesi program diteruskan dengan tazkirah agama disampaikan oleh beberapa orang pegawai yang hadir iaitu Dato Haji Nahrawi bin Haji Abdul Rahman, Ustaz Khairul Anam Hazmizan bin Hasli dan Ustaz Abdul Rahman Iqbal bin Aldi. Tema intipati tazkirah yang disampaikan ialah "Kepentingan Perpaduan serta Ukuwash Islam". Sesi penyampaian cenderamata kepada Jawatankuasa Masjid serta sesi fotografi mengakhiri pengisian program sebelum sembahyang Isyak berjemaah.

Berikut merupakan beberapa siri lawatan sepanjang Januari hingga Mac 2018:-

1. Surau Darul Taqwa, Kampung Hulu Serian
2. Masjid Noorul Huda, Kampung Belungei, Sematan
3. Masjid Madrastul Ikhsan, Kampung Nakong, Kota Samarahan
4. Masjid Darul Hasanah, Kampung Selang Ulu, Kuching
5. Masjid Al-Kautsar, Gedong
6. Masjid Silaturahim, Kampung Iboi, Asajaya
7. Surau An Nur, Kampung Melayu Pengkalan Bau
8. Surau Sadar Ibadah, Kampung Bako Hilir, Kuching
9. Surau Al-Amin, Kampung Stunggang Melayu Baru, Lundu
10. Surau Al-Baqarah, Lot Baru KM20, Jalan Kuching Serian

Semoga program lawatan yang dilaksanakan ini dapat memberi impak yang positif dan mendapat keberkatan dari Allah S.W.T.





Yang Amat Berhormat Datuk Patinggi (Dr) Abang Abdul Rahman Zohari bin Tun Datuk Abang Haji Openg, Ketua Menteri Sarawak merangkap Pengurus LAKMNS menyampaikan penghargaan kepada Al-Fadhil Ustaz Mohd. Safwan bin Mahli, Guru Hafiz di MATTARY yang telah menjadi Johan Qari Tilawah Al-Quran Peringkat Negeri Sarawak 1439H/2018M sambil disaksikan oleh Ahli-Ahli Exco LAKMNS.

## Majlis Penyampaian Penghargaan LAKMNS Kepada Johan Qari Tilawah Al-Quran Peringkat Negeri Sarawak 1439H/2018M

Lembaga Amanah Kebajikan Masjid Negeri Sarawak (LAKMNS) telah mengadakan Majlis Penyampaian Penghargaan kepada Al-Fadhil Ustaz Mohd. Safwan bin Mahli, di atas kejayaan beliau sebagai Johan Qari bersempena Majlis Tilawah Al-Quran Peringkat Negeri Sarawak 1439H/2018M Kali Ke-58 pada 2 Mac 2018M yang lalu.



*Ustaz Mohd. Safwan bin Ali mewakili Negeri Sarawak bersiap sedia sebelum pertandingan Tilawah Al Quran Peringkat Kebangsaan Tahun 2018 di Kompleks Islam Putrajaya (KIP), Putrajaya.*

Majlis Penyampaian Penghargaan telah disampaikan oleh Yang Amat Berhormat Datuk Patinggi (Dr) Abang Abdul Rahman Zohari bin Tun Datuk Abang Haji Openg, Ketua Menteri Sarawak merangkap Pengurus LAKMNS bertempat di Pejabat Ketua Menteri Sarawak, Wisma Bapa Malaysia bertujuan bagi menghargai kejayaan Al-Fadhil Ustaz Mohd. Safwan yang merupakan Guru Hafiz di Ma'had Tahfz Tun Abdul-Rahman Ya'kub (MATTARY).

Majlis tersebut telah dihadiri oleh Ahli-Ahli Jawatankuasa Eksekutif (EXCO) LAKMNS yang terdiri daripada Setiausaha Kehormat LAKMNS, Yang Berbahagia Tan Sri Datuk Amar Haji Bujang bin Mohd. Nor, Bendahari Kehormat LAKMNS, Yang Berbahagia Datuk Haji Abang Abdul Wahap bin Haji Abang Julai, Yang Berbahagia Datu Haji Misnu bin Haji Taha, Encik Drahman bin Jaladin dan Pengurus Besar LAKMNS, Haji Mohamad Sabry bin Haji Othman.

Al-Fadhil Ustaz Mohd. Safwan telah mewakili Negeri Sarawak bagi kategori Qari untuk Majlis Tilawah Al-Quran Peringkat Kebangsaan Tahun 1439H/2018M yang telah berlangsung pada 31 Mac 2018M hingga 6 April 2018M di Kompleks Islam Putrajaya (KIP), Putrajaya.



## LAWATAN ILMIAH KE GALERI AL-QURAN, KOMPLEKS SENI ISLAM ANTARABANGSA DAN MASJID SULTAN SALAHUDDIN ABDUL AZIZ SHAH

Pada 21 Mac 2018, Bahagian Penyelidikan dan Pembangunan dan Bahagian Masjid-Masjid, Lembaga Amanah Kebajikan Masjid Negeri Sarawak (LAKMNS) telah mengadakan lawatan ke galeri al-Quran di Kompleks Seni Islam Antarabangsa dan Masjid Sultan Salahuddin Abdul Aziz Shah di Shah Alam, Selangor. Rombongan lawatan LAKMNS ini disertai oleh pegawai-pegawai seperti berikut:

1. Haryati binti Mohamad, Ketua, Bahagian Penyelidikan dan Pembangunan
2. Mohamad Aizat bin Mohamad Morshidi, Wakil Ketua, Bahagian Masjid-Masjid
3. Ustazah Hasparina binti Drehman, Pegawai, Unit Penyelaras Kegiatan
4. Ustaz Khairul Anam Hazmizan bin Hasli, Pegawai, Masjid Bandaraya Kuching.

Antara objektif utama lawatan adalah seperti berikut:

1. Mendapatkan maklumat dan gambaran bagi merealisasikan penubuhan galeri al-Quran di Pusat Pengajian Al-Quran Tun Abdul-Rahman Ya'kub(PATARY) pada masa akan datang seperti yang diilhamkan oleh Tuan Yang Terutama Tun Pehin Seri Haji Abdul Taib bin Mahmud, Yang Dipertua Negeri Sarawak melalui lawatan ke Kompleks Taman Seni Islam Antarabangsa, Selangor.

2. Mendapatkan pendedahan untuk menambahbaik kualiti prasarana masjid dan program-program pengimaranan masjid melalui lawatan ke Masjid Sultan Salahuddin Abdul Aziz Shah, Selangor.

Semasa lawatan ke Kompleks Seni Islam Antarabangsa, pegawai-pegawai LAKMNS turut berpeluang mengadakan perjumpaan dengan Pengurus Eksekutif Yayasan Restu, Yang Berbahagia Datuk Abdul Latiff Mirasa. Yayasan Restu telah ditubuhkan pada tahun 1987 merupakan sebuah pertubuhan yang tidak hanya mementingkan keuntungan semata-mata, malah ia berfungsi sebagai pusat pameran dan juga bertujuan untuk memelihara dan mempromosikan seni dan budaya Islam. Antara paparan yang paling terkenal adalah manuskrip al-Quran asal yang dikatakan bernilai RM 20 juta.

Secara keseluruhannya, lawatan ilmiah ke Kompleks Seni Islam Antarabangsa dan Masjid Sultan Salahuddin Abdul Aziz Shah ini dapat memberi inspirasi kepada pegawai-pegawai LAKMNS untuk merealisasikan misi asal penubuhan PATARY untuk menubuhkan galeri al-Quran serta meningkatkan kualiti prasarana Masjid Jamek Negeri Sarawak nanti.



## TAKLIMAT IBUBAPA MURID-MURID TAHUN 1 MATTARY TAHUN 2018

Pada 20 Januari 2018, Ma'had Tahfiz Tun Abdul-Rahman Ya'kub (MATTARY) telah mengadakan taklimat bersama ibu bapa murid-murid Tahun 1 di Pusat Pengajian Al-Quran Tun Abdul-Rahman Ya'kub (PATARY). Taklimat tersebut dijalankan dengan jayanya dan dihadiri oleh ibu bapa serta penjaga murid-murid Tahun 1 Sesi 2018.

Objektif taklimat diadakan ialah menyampaikan maklumat berkenaan kurikulum MATTARY yang terbahagi kepada dua iaitu kurikulum tafsir dan kurikulum akademik, memaklumkan tentang hal ehwal murid-murid di sekolah serta untuk

menerangkan berkenaan kokurikulum seperti kelab dan aktiviti sukan yang ditawarkan kepada semua murid MATTARY.

Barisan panel penyampai terdiri daripada Encik Abdullah Othman, Guru Besar MATTARY dan Ustazah Fatimahtuzzahrah bt Mat Som @ Othman, Penolong Kanan Al-Quran MATTARY. Panel lain yang turut membantu ialah Puan Azlyn binti Abdul Rahman, Penolong Kanan Akademik, Puan Misiah binti Wajhi, Penolong Kanan Hal Ehwal Murid dan Cik Siti Zahrah binti Abdul Jalil, Penolong Kanan Ko-Kurikulum.

Taklimat dimulai dengan ucapan alu-aluan Encik Abdullah Othman, Guru Besar MATTARY. Kemudian, diteruskan dengan taklimat berkenaan sekolah merangkumi visi dan misi MATTARY, organisasi MATTARY, kurikulum yang ditawarkan serta perjalanan pengajian murid-murid di MATTARY, aktiviti kokurikulum dan cara perlaksanaannya seperti taekwondo, renang dan lain-lain lagi.

Taklimat diteruskan dengan penerangan berkenaan Kurikulum Tafsir secara terperinci yang

disampaikan oleh Ustazah Fatimahtuzzahrah bt Mat Som @ Othman, Penolong Kanan Al-Quran MATTARY. Taklimat diakhiri dengan slot soal jawab bersama ibu bapa dan berakhir pada jam 12.00 tengahari.



## SESI TEMUDUGA TERBUKA **POLIS BANTUAN, LAKMNS**

Sesi Temuduga Terbuka Ujian Fizikal Polis Bantuan, Lembaga Amanah Kebajikan Masjid Negeri Sarawak (LAKMNS) telah diadakan pada 24 Mac 2018 bertempat di Masjid Jamek Negeri Sarawak.

Sesi temuduga terbuka ini bermula seawal jam 7.00 pagi dan berakhir pada jam 2.00 petang. Calon yang hadir adalah seramai 248 orang calon Polis Bantuan Lelaki.

Tujuan sesi temuduga terbuka ini diadakan adalah untuk pengambilan baharu anggota Polis Bantuan, LAKMNS yang baharu bagi memenuhi kuota perjawatan yang telah diluluskan oleh pihak Polis Diraja Malaysia (PDRM), iaitu seramai 124 orang. Jumlah Polis Bantuan, LAKMNS yang terkini adalah seramai 80 orang.

Proses pengambilan Polis Bantuan, LAKMNS ini juga dikendalikan oleh pihak PDRM yang khusus bagi memastikan kriteria dipenuhi mengikut spesifikasi yang dikehendaki.

Antara kriteria-kriteria yang telah ditetapkan adalah seperti berikut :-

- a) Ketinggian
- b) Berat badan
- c) *Body Mass Index (BMI)*
- d) Ujian Kecergasan Fizikal:-
  - Burpees
  - Sit up
  - Push up
  - Shuttle run
  - Standing board jump
  - Sit and reach
- e) Pemeriksaan susuk badan:-
  - Muka
  - Bahu
  - Tangan
  - Kaki
  - Kepala
  - Lengan
  - Pinggang



## TAKLIMAT IBU BAPA MURID-MURID 6 TAHUN UNTUK KEMASUKAN KE TAHUN I MATTARY 2019



Pada 10 Mac 2018, satu sesi Taklimat Ibu Bapa murid 6 Tahun untuk kemasukan ke Tahun 1 MATTARY pada tahun 2019 telah diadakan di Bilik Kuliah Pusat Pengajian Al-Quran Tun Abdul-Rahman Ya'kub (PATARY). Taklimat tersebut telah disampaikan oleh Puan Afnalizan binti Ali, Penyelia TATTARY dan Encik Abdullah bin Othman selaku Guru Besar MATTARY.

Objektif utama taklimat ini adalah sebagai satu medium untuk memberi penerangan dan pemahaman yang lebih jelas berkenaan proses kemasukan serta kelayakan untuk anak-anak 6 tahun TATTARY yang berhasrat untuk meneruskan pembelajaran di peringkat sekolah rendah di MATTARY bagi sesi persekolahan 2019.

Seperti sedia maklum, proses kemasukan ke MATTARY memerlukan calon murid untuk menduduki ujian saringan yang kebiasaannya diadakan pada bulan September setiap tahun. Oleh itu, taklimat sebegini dapat memberi maklumat lanjut kepada ibu bapa berhubung persediaan yang diperlukan untuk ujian kelak.

Secara umumnya TATTARY dan MATTARY merupakan Tadika dan Sekolah Rendah Swasta Dwikurikulum yang memberi pengkhususan dalam bidang pendidikan Tahfiz Al-Quran sebagai program pendidikan utama iaitu di dalam program Kurikulum Tahfiz Al-Quran Bersepadu (KTAB). Selain itu, akademik juga dititikberatkan dengan penggunaan Kurikulum

Standard Prasekolah Kebangsaan (KSPK) dan Kurikulum Standard Sekolah Rendah (KSSR) sebagai panduan dalam melaksanakan pembelajaran akademik.

Selain itu, sesi soal jawab oleh ibu bapa juga telah diadakan selepas taklimat yang berkisar tentang keperluan dan persediaan untuk ujian saringan yang dijadualkan pada penghujung bulan September 2018 kelak.

## SUNTIKAN IMUNISASI

Ma'had Tahfiz Tun Abdul-Rahman Ya'kub (MATTARY) telah menerima kunjungan daripada pihak Klinik Kesihatan Petra Jaya untuk memberikan suntikan imunisasi bagi murid Tahun 1 dan pemeriksaan kesihatan bagi murid Tahun 6.

Antara petugas yang datang pada hari tersebut ialah Dr. Sri Nivas Naidu, MA Syamsul Fitri, SN Bonetta Rofino, SN Syarifah Nasulia, PK Harun dan 6 orang pelajar pelatih.

Semua ibu bapa murid Tahun 1 telah dimaklumkan berkaitan dengan program ini dan telah menyerahkan borang kebenaran bagi memudahkan pihak Jabatan Kesihatan mengetahui murid yang dibenarkan untuk menerima suntikan pada hari tersebut.

Daripada 73 orang murid Tahun 1, seramai 70 orang murid telah diberi suntikan imunisasi manakala selebihnya telah menerima suntikan tersebut di pusat rawatan yang ditentukan oleh ibu bapa masing-masing.

Jabatan Kesihatan untuk melaksanakan imunisasi dan pemeriksaan kesihatan bagi murid-murid MATTARY. Di harap perkhidmatan ini dapat diteruskan lagi pada masa akan datang.



## Sesi Latihan Menggosok Gigi Murid Ma'had Tahfiz Tun Abdul-Rahman Ya'kub (MATTARY)



Pada 14 Februari 2018, Ma'had Tahfiz Tun Abdul-Rahman Ya'kub telah dikunjungi oleh Unit Pasukan Pergigian Bergerak 4, Jabatan Perkhidmatan Pergigian Sekolah seramai tujuh orang pegawai yang terdiri daripada Puan Hadiyah binti Ayup, Puan Zahrah binti Ahmad, Encik Hamdan bin Japar, Puan Kusnah binti Kassim, Cik Flora Bong, Cik Andriana dan Encik Muhd. Fuad bin Waha untuk mengadakan sesi latihan menggosok gigi bersama murid-murid MATTARY.

Semua murid dibahagikan mengikut Tahap 1 dan Tahap 2. Aktiviti bermula pada jam 8.30 pagi. Murid tahap 1, mula menggosok gigi manakala murid tahap 2 mendengar ceramah tentang penjagaan kebersihan dan kesihatan gigi di dalam surau sementara MATTARY. Sejurus selesai murid Tahap 1 menggosok gigi, giliran murid Tahap 2 menggosok gigi dan murid Tahap 1 mendengar ceramah.

Selepas program dijalankan, Puan Hadiyah binti Ayup telah mencadangkan agar semua murid di MATTARY menyediakan peralatan untuk memberus gigi ketika berada di sekolah dan menasihati murid-murid untuk memberus gigi sebelum mengambil wuduk untuk bersolat kerana kebersihan dan kesihatan gigi perlulah dijaga bagi memastikan gigi kekal sihat dan nafas berbau segar.

Semoga semua murid mendapat manfaat daripada aktiviti yang telah dijalankan. Pihak MATTARY mengucapkan setinggi-tinggi penghargaan di atas kunjungan pihak Jabatan Kesihatan khasnya dari Unit Pasukan Pergigian Bergerak 4. Di harap aktiviti seperti ini dapat diteruskan lagi pada masa akan datang.

# KEMERIAHAN ACARA TAHUNAN SUKAN MA'HAD TAHFIZ TUN ABDUL-RAHMAN YA'KUB



# SERUAN MIMBAR

SUMBER  
<http://www.jais.sarawak.gov.my/>  
<http://emasjid.sarawaknet.gov.my/emasjid/khutbah.nsf/khutbahview2?openview&start=21&count=10&>

## 'MENGEJAR IMPIAN MENGGAPAI HARAPAN'

### Kaum muslimin yang dirahmati Allah,

Marilah sama-sama kita meningkatkan ketakwaan kepada Allah subhanahu wata'ala dengan bersungguh-sungguh melaksanakan segala perintah-Nya dan meninggalkan segala larangan-Nya. Mudah-mudahan kehidupan kita akan mendapat keberkatan di dunia dan di akhirat. Khutbah hari ini akan membicarakan tajuk: "Mengejar Impian Menggapai Harapan".

### Kaum muslimin yang dirahmati Allah,

Setiap manusia pasti mempunyai keinginan, impian dan juga harapan, salah satunya adalah kejayaan di masa depan. Melalui impian dan harapan ini, terbangun tujuan hidup yang dimulai dengan bekerja keras, menuntut ilmu melalui pendidikan, mencari pekerjaan dengan pendapatan yang tinggi serta melakukan pelbagai jenis usaha yang dianggap tepat untuk menggapai impian mereka. Khatib yakin, segala peristiwa sepanjang tahun 2017 lalu menyuntik motivasi buat kita untuk meneruskan impian serta azam kecemerlangan dalam tahun 2018 ini. Semoga Allah subhanahu wata'ala mengampuni dosa-dosa kita dan memberkati segala amalan kebaikan kita serta mengurniakan kekuatan iman yang berterusan untuk kita di tahun baru ini.

Firman Allah subhanahuwata'ala di dalam Surah al Mukmin, ayat 40:

Maksudnya : "Sesiapa yang mengerjakan kejahatan maka ia tidak dibalas melainkan dengan kejahatan yang sebanding dengannya dan sesiapa yang mengerjakan amal salih daripada lelaki atau perempuan sedang ia beriman, maka mereka itu akan masuk syurga, mereka beroleh rezeki di dalam syurga itu dengan tidak dihitung".

### Kaum muslimin yang dirahmati Allah,

Hakikatnya kita memasuki fasa tahun 2018 dengan penuh harapan dan impian besar yang meliputi pelbagai aspek kehidupan seharian. Walaupun azam tahun baharu setiap individu itu berbeza mengikut kehendak dan impian masing-masing, namun secara keseluruhannya, impian dan harapan

kita, khususnya sebagai umat Islam di Malaysia boleh dirumuskan berdasarkan beberapa aspek utama yang seiring dengan tuntutan Maqasid as-Shariyah seperti isu peningkatan kos sara hidup, hala tuju pendidikan, soal perpaduan kaum, tahap kemajuan kesihatan, kebajikan dan kehidupan sosial serta kestabilan politik, keamanan dan keselamatan negara.

Namun, jika diteliti, kesemua harapan yang ingin diperolehi ini adalah bertitik tolak daripada satu perkara penting iaitu keamanan. Tanpa keamanan, tidak mungkin sebarang harapan dan perancangan berjaya diperolehi. Keamanan adalah faktor terpenting dalam menjayakan segala jenis sasaran atau matlamat yang ingin dicapai bukan sahaja pada tahun ini malahan pada tahun-tahun yang mendatang. Oleh yang demikian, adalah penting kita selaku umat Islam bersatu mencari jalan untuk memastikan agar segala isu berbangkit sepanjang tahun 2017 tidak terus merebak dan berpanjangan pada tahun 2018 ini.

### Kaum muslimin yang dirahmati Allah,

Khatib sangat yakin bahawa usaha yang berasaskan prinsip keadilan ajaran Islam yang sebenar, segala permasalahan yang kusut dapat dilerai dengan pertolongan daripada Allah subhanahu wata'ala. Semoga dengan itu juga, rakyat dan negara terus mendapat rahmat Allah subhanahu wata'ala sebagaimana firman-Nya dalam Surah al Ankabut, ayat 69:

Maksudnya: "Dan orang yang berusaha berjuang kepada agama Kami, sesungguhnya Kami akan memimpin mereka ke jalan-jalan Kami, dan sesungguhnya Allah adalah berserta orang yang berusaha membaiki amalannya".

### Kaum muslimin yang dirahmati Allah,

Di samping nikmat keamanan, kita juga perlu memperakui dan menghargai nikmat kesihatan dan kelapangan masa. Insafilah bahwasanya manusia tidak selalu berkeadaan sihat. Masa sihat boleh bertukar kepada keadaan sakit kerana kedua-duanya ialah pemberian dan ketentuan Allah subhanahu wata'ala. Jika sewaktu sihat, seseorang mukmin itu mensia-siakan kesihatannya untuk beribadah dan

bermal soleh kepada Allah subhanahu wata'ala, maka rugilah ia kerana ketika sakit menimpa segala pergerakannya sangat terbatas. Lebih malang, jika sakitnya berterusan dan menghalangnya untuk beribadah dan bermal soleh dengan selesa. Turut dicubaikan oleh kebanyakan manusia juga ialah nikmat kelapangan masa. Sememangnya Allah subhanahu wata'ala memberikan kita masa 24 jam sehari yang perlu digunakan untuk bekerja, beribadah dan berehat. Masa rehat bukan bermakna kita membuang masa dengan tidur atau leka bermain tetapi perlu diisi dengan perkara bermanfaat melalui pelbagai amal ibadah, mencari ilmu untuk kebaikan dunia dan akhirat serta memperelokkan akhlak.

Namun, masih ada yang terpedaya dengan nikmat masa lapang dan akhirnya membiarkannya berlalu begitu saja tanpa pengisian yang berfaedah atau aktiviti berunsur kebajikan. Jika dalam masa yang lapang pun ada yang tidak menggunakan untuk mengingati Allah, apatah lagi dalam keadaan sibuk mengejar keuntungan dan kebahagiaan dunia. Kealpaan yang sedemikian menyebabkan manusia sering berada dalam keadaan keluh kesah dengan urusan dunia dan dihingga penyakit tidak bersyukur. Sifat ini digambarkan Allah subhanahu wata'ala dalam Surah al-Ma'arij, ayat 19 hingga 21:

Maksudnya: "Sesungguhnya manusia itu dijadikan bertabiat resah gelisah (lagi bakhil kedekut). Apabila ia ditimpah kesusahan, ia sangat resah gelisah. Dan apabila ia beroleh kesenangan, ia sangat bakhil kedekut".

### Kaum muslimin yang dirahmati Allah,

Imam Ibnu Jauzi rahmatullahi alaih pernah menasihatkan bahawa dunia ini adalah ibarat ladang bermal untuk dituai hasilnya di akhirat nanti. Sesiapa memanfaatkan waktu lapang dan sihat dalam rangka agenda ketaatan, maka dia akan beroleh kebahagiaan. Sebaliknya jika digunakan dalam kancang kemaksiatan, maka dia sudah tertipu. Waktu lapang baginya, penuh dengan kesibukan manakala masa sihatnya pula tidak menyenangkan. Dalam hal ini Baginda Nabi sallallahu alaihi wasallam berpesan di dalam hadis yang diriwayatkan oleh Imam Al-Hakim rahmatullahi alaih:

Maksudnya: Daripada Ibnu Abbas radhiallahu anhu berkata, Rasulullah sallallahu alaihi wasallam bersabda: "Pergunakan lima perkara sebelum datang lima perkara lain, (iaitu) masa mudamu sebelum masa tuamu, masa sihatmu sebelum sakitmu, masa kayamu sebelum masa miskinmu, masa lapangmu sebelum masa sibukmu dan masa hidupmu sebelum matimu."

Kaum muslimin yang dirahmati Allah S.W.T.,

Di kesempatan ini, khatib ingin menganjurkan marilah kita bersamasama berlitzam dan bertekad



bagi tahun 2018 ini untuk mengambil peluang memenuhi masa kita dengan menuntut pelbagai ilmu bermanfaat sebagai persiapan diri kita menghadapi cabaran-cabaran kehidupan mendatang. Selain itu, budaya ilmu hendaklah sentiasa subur dan mekar di sekeliling kita bagi menjamin kelestarian hidup apatah lagi bagi mencapai darjah kebahagiaan hidup dunia maupun akhirat. Firman Allah subhanahu wata'ala di dalam Surah al-Mujadalah, ayat 11:

Maksudnya: "..Allah meninggikan darjah orang-orang yang beriman di antara kamu, dan orang-orang yang diberi ilmu pengetahuan agama (dari kalangan kamu) dengan beberapa darjah dan (ingatlah), Allah Maha mendalam pengetahuannya tentang apa yang kamu lakukan".

### Kaum muslimin yang dirahmati Allah,

Mengakhiri khutbah, terdapat tiga elemen penting yang boleh kitajadikan panduan kita hari ini dalam mendepani tahun baharu ini iaitu:

Pertama: Nikmat keamanan dalam kehidupan hendaklah sentiasa dipelihara bersama dengan berteraskan nilai-nilai ajaran Islam yang sebenar;

Kedua: Kesihatan dan kelapangan masa perlu dihargai dan disyukuri serta diurus dengan sempurna sebelum ia berlalu; dan

Ketiga: Tuntutan budaya ilmu yang bermanfaat dalam kehidupan akan menjamin kebahagiaan dunia dan akhirat.

Maksudnya: "Dan (ingatlah bahawa) kehidupan dunia ini (meliputi segala kesenangan dan kemewahannya, jika dinilaikan dengan kehidupan akhirat) tidak lain hanyalah ibarat hiburan dan permainan; dan Sesungguhnya, negeri akhirat itu ialah kehidupan yang sebenarbenarnya; kalaualah mereka mengetahui (hakikat ini tentulah mereka tidak akan melupakan hari Akhirat)". (Surah al-Ankabut: 64)

# BENGKEL MENJAWAB SOALAN uPSR 2018

Bengkel Menjawab Soalan telah diadakan di Bilik Kuliah, Pusat Pengajian Al-Quran Tun Abdul-Rahman Ya'kub (PATARY) pada 26 Februari hingga 2 Mac 2018.

Antara objektif bengkel tersebut diadakan adalah:-

- Memberi dorongan, perangsang dan jati diri dari segi jasmani, emosi, rohani, serta intelek (JERI) kepada para pelajar untuk lebih gigih serta tabah dalam menghadapi peperiksaan yang sebenar.
- Menyampaikan tip atau panduan terhadap langkah-langkah persediaan sebelum dan semasa menghadapi peperiksaan.
- Memberi pendedahan tentang teknik-teknik menjawab soalan peperiksaan yang betul dan tepat kepada para pelajar.
- Mendedahkan murid kepada format terkini soalan dan juga PPSR (Pelaporan Pentaksiran Sekolah Rendah).

Sepanjang bengkel berlangsung, semua murid memberikan kerjasama yang baik dan mendengar dengan tekun setiap penerangan yang disampaikan oleh para penceramah dan telah disediakan bahan latihan oleh para penceramah untuk memudahkan murid-murid membuat latihan.



Murid-murid bergambar kenangan bersama penceramah dan guru yang mengajar Bahasa Inggeris

## TAKLIMAT BERSAMA IBUBAPA MURID TAHUN 6 MATTARY

Pada 3 Mac 2018, Ma'had Tahfiz Tun Abdul-Rahman Ya'kub (MATTARY) telah mengadakan taklimat bersama ibu bapa murid-murid Tahun 6 di Pusat Pengajian Al-Quran Tun Abdul-Rahman Ya'kub (PATARY).

Taklimat itu diadakan bagi menyampaikan maklumat berkenaan Pelaporan Pentaksiran Sekolah Rendah (PPSR) bermula tahun 2018 serta menerangkan maklumat tentang kepentingan Pentaksiran Aktiviti, Jasmani, Sukan dan Kokurikulum (PAJSK) bagi murid-murid Tahun 6 yang telah disampaikan oleh Encik Abdullah Othman, Guru Besar MATTARY serta lima orang warga pendidik MATTARY.

Taklimat tersebut dimulai dengan ucapan alu-aluan Encik Abdullah Othman, Guru Besar MATTARY. Kemudian, diteruskan dengan penerangan PPSR 2018 oleh Puan Rahimah binti Ariffin. Taklimat terakhir pula disampaikan oleh Ustazah Fatimahtuzzahrah bt Mat Som, Penolong Kanan al-Quran MATTARY berkenaan Kurikulum Tahfiz dan pelaksanaannya untuk murid Tahun 6 MATTARY. Taklimat disudahi dengan sesi soal jawab bersama ibu bapa dan berakhir pada jam 11.45 pagi.



Sesi taklimat diteruskan dengan penerangan berkenaan format mata pelajaran PPSR bagi tahun 2018 oleh Puan Rahimah binti Ariffin. Taklimat terakhir pula disampaikan oleh Ustazah Fatimahtuzzahrah bt Mat Som, Penolong Kanan al-Quran MATTARY berkenaan Kurikulum Tahfiz dan pelaksanaannya untuk murid Tahun 6 MATTARY. Taklimat disudahi dengan sesi soal jawab bersama ibu bapa dan berakhir pada jam 11.45 pagi.



## KURSUS PRA PERKAHWINAN

Bahagian Penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) telah menjalankan Kursus Pra Perkahwinan Islam bermula dari 10 sehingga 11 Februari 2018 dengan penyertaan seramai 72 orang. Manakala pada bulan Mac 2018, penyertaan adalah seramai 70 orang yang mana kursus telah diadakan pada 17 hingga 18 Mac 2018 di Bilik Kuliah, Pusat Pengajian Al-Quran Tun Abdul-Rahman Ya'kub (PATARY).

Sejajar dengan perkembangan teknologi masa kini, bakal pasangan suami isteri boleh mendaftar perkahwinan secara atas talian melalui Laman Sesawang Jabatan Agama Islam Sarawak di e-munakahat.sarawak.gov.my.

Berikut merupakan tatacara dan peraturan permohonan atas talian yang tertera di laman sesawang tersebut.

### PERATURAN AM

1. Pemohon hendaklah mengisi borang permohonan secara atas talian dengan menggunakan akses Internet.
2. Pemohon hendaklah mengisi butiran di dalam borang atas talian menggunakan HURUF BESAR.
3. Pemohon perlu mengenal pasti jenis permohonan berkahwin seperti berikut:-
  - Permohonan Nikah Dalam Bahagian dan Luar Sarawak
  - Permohonan Nikah Antara Bahagian
  - Permohonan Nikah Kenyataan Pendaftar
4. DOKUMEN LAMPIRAN boleh diimbas (*scan*) dan dimuatnaik sekali. Jika pemohon tidak dapat mengimbas dan memuat naik dokumen sewaktu mengisi permohonan secara atas talian, pemohon hendaklah menyimpan dokumen yang telah diimbas didalam pendrive dan dibawa sewaktu pengesahan permohonan dilakukan di Pejabat Agama Islam Bahagian.
5. Gambar yang di muat naik hendaklah gambar berukuran pasport dan bersopan serta menutup aurat.
6. Setelah permohonan atas talian lengkap dikemukakan, pemohon dikehendaki hadir ke pejabat agama Islam berdekatan bersama dengan pasangan dan wali pengantin perempuan selewat-lewatnya 7 hari dari tarikh akad nikah dicadangkan untuk mengesahkan permohonan mereka.
7. Dokumen lampiran wajib dibawa sekali sewaktu hadir.
8. Bukti pembayaran hendaklah dikemukakan kepada *Desk Officer* bagi tujuan pencetakan borang kebenaran kahwin.
9. Setelah upacara akad nikah dijalankan pemohon boleh membuat pembayaran nombor slip bayaran hendaklah dikemukakan bagi tujuan pencetakan surat asal.

# CERAMAH PERANCANGAN KEWANGAN



**"Kajian juga menunjukkan peratusan besar ahli KWSP gemar menghabiskan wang simpanan mereka dalam tempoh dua hingga lima tahun selepas bersara (pada usia 55 tahun atau 60 tahun)".**

**"Laporan tahunan KWSP pada 2015 mencatatkan bahawa kira-kira 80 peratus ahlinya yang masih aktif, memiliki purata simpanan RM100,000 ke bawah dan jumlah berkenaan tidak cukup menampung tempoh persaraan mereka".**  
(mstar.com.my, 2016)

**K**enyataan di atas memberikan indikator kepada kita agar membuat perancangan kewangan yang sistematik untuk memastikan dana persaraan kita mencukupi apabila bersara pada umur 55 atau 60 tahun.

Rentetan itu, pada 26 Februari 2018 yang lalu, Bahagian Penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) telah menganjurkan Ceramah Perancangan Kewangan untuk kakitangan di Bilik Kuliah, Pusat Pengajian Al-Quran Tun Abdul-Rahman Ya'kub (PATARY).

**Antara objektif utama penganjuran ceramah adalah seperti berikut:-**

- Memberi pengetahuan kepada kakitangan untuk menyediakan dana yang mencukupi bagi tempoh persaraan.
- Meningkatkan pengetahuan berkenaan pelan pelaburan dan perlindungan.

Ceramah perancangan kewangan tersebut telah disampaikan oleh Mr. Jesse Ling Sik Woo yang merupakan *Chartered Financial Consultant, Malaysian Financial Planning Council, Sarawak Chapter*.

**Di antara tip-tip kewangan yang telah dikongsi dalam ceramah perancangan kewangan ini adalah seperti berikut:**

- Memperuntukkan 10% hingga 20% dari pendapatan terlebih dahulu sebelum perbelanjaan lain dalam dana yang mempunyai elemen pelaburan dan perlindungan (*investment linked product*) dalam institusi kewangan dan perbankan yang berdaftar;
- Pelaburan dalam dana ini hendaklah dibuat secara konsisten setiap bulan;
- Memilih pelaburan yang dapat memberi pulangan pada kadar 10% atau lebih untuk menjana keuntungan pelaburan Seramai 21 orang kakitangan yang merangkumi pegawai dan kakitangan sokongan LAKMNS telah menghadiri kursus ini.

Secara keseluruhannya, kursus ini sedikit sebanyak dapat membantu meningkatkan pengetahuan berkenaan pelaburan kepada kakitangan-kakitangan LAKMNS.

*Sumber:*  
<http://www.mstar.com.my/lain-lain/sara/2016/12/30/kwsp-ras-perancangan-kewangan/>

## KUNJUNGAN ROMBONGAN MAHABBAH MASJID SULTAN IDRIS SHAH II, NEGERI PERAK KE MASJID JAMEK NEGERI SARAWAK



Pada 30 Mac 2018, Bahagian Masjid-Masjid telah menerima kunjungan rombongan Mahabbah yang terdiri daripada 40 orang ahli Jawatankuasa Pengurusan Masjid Sultan Idris Shah II, Negeri Perak ke Masjid Jamek Negeri Sarawak.

Para rombongan dibawa masuk ke Ruang Sembahyang Utama Masjid Jamek Negeri Sarawak untuk membuat tinjauan dan mengambil gambar kenangan ke seluruh bahagian masjid serta samping memberi sedikit penerangan berkenaan dengan struktur seni bina dalaman dan sejarah pembinaan Masjid Jamek Negeri Sarawak.

Selepas itu, mereka dibawa ke pejabat Pentadbiran Masjid Jamek Negeri Sarawak bagi sesi penerangan dan pengenalan Masjid Jamek Negeri Sarawak yang disampaikan oleh Encik Mohamad Aizat bin Morshidi, Pegawai Pentadbiran Masjid Jamek Negeri Sarawak.

Selain itu, Encik Mohamad Aizat turut memberikan penerangan tentang pengurusan pentadbiran, bahagian-bahagian dan peranan, kawalan keselamatan, penyelenggaraan, khidmat pengurusan jenazah dan program-program yang dijalankan di Masjid Jamek Negeri Sarawak.

Sebelum bersurai, Encik Mohd Aizat menyampaikan cenderahati kepada ketua rombongan sebagai tanda kenang-kenangan dan jamuan makan tengahari diadakan selepas itu sebelum pihak rombongan meneruskan lawatan ke destinasi yang lain.



Encik Mohamad Aizat bin Morshidi memberikan penerangan dan pengenalan kepada rombongan berkenaan pengurusan Masjid Jamek Negeri Sarawak.

# PROFIL KAKITANGAN

## LEMBAGA AMANAH KEBAJIKAN MASJID NEGERI SARAWAK



**SITI NORMALIA BINTI MARJUNO**

*Penolong Pegawai  
Kewangan*

**Tarikh Lahir :**  
**31 Januari 1983**

**Umur : 35 Tahun**

**Asal : Kuching, Sarawak**

**Tarikh Mula Berkhidmat:**  
**1 Julai 2004**

Prinsip “small success lead to a bigger success” telah menjadi pegangan hidup kakitangan pilihan bagi ruangan edisi Buletin Mimbar pada kali ini.

Siti Normalia Marjuno dilahirkan pada tanggal 31 Januari 1983 di Kuching, Sarawak dan merupakan anak sulung dari tiga orang adik-beradik.

Memulakan kerjaya di Lembaga Amanah Kebajikan Masjid Negeri Sarawak (LAKMNS) pada 1 Julai 2004, Siti Normalia berkhidmat sebagai Penolong Pegawai Kewangan, Sektor Kewangan LAKMNS. Sebelum berkhidmat di LAKMNS, Siti Normalia juga pernah bekerja di SeDidik Sdn. Bhd. dan PPES Ternak Sdn. Bhd. sebagai Kerani Akaun.

Beliau amat menggemari masakan ayam panggang dan buah-buahan. Siti Normalia menjadikan amalan membaca dan bermain badminton sebagai hobi. Disamping itu, beliau gemar melakukan aktiviti bersukan bersama Team HiFat Malaysia pada masa lapang.



*Mengabadikan kenangan bersama-sama rakan dari Team HiFat Malaysia*

Memilih warna biru sebagai warna kegemaran, Siti Normalia pernah mewakili LAKMNS dalam pertandingan badminton dan bola jaring sempena Karnival Sukan Agensi-Agenzi Islam.

Sepanjang 14 tahun berkhidmat di LAKMNS, ada pengalaman manis yang tidak dapat dilupakan oleh beliau iaitu beliau pernah diberi peluang untuk mempelajari pengurusan dan pentadbiran koperasi sepanjang penempatan sementara di Koperasi MASJA Berhad selama 9 bulan.

Harapan Siti Normalia agar LAKMNS akan terus dinamik dan berdaya saing agar dapat memberi impak yang positif kepada masyarakat khususnya masyarakat Islam pada masa kini dan akan datang.



*Bersama rakan Sepasukan semasa mewakili LAKMNS dalam Pertandingan Badminton sempena Karnival Sukan Agensi-Agenzi Islam*



*Menyambut hari lahir bersama Ketua Sektor Kewangan dan Kakitangan di Bahagian Kewangan.*

# PROFIL GURU MATTARY

## LEMBAGA AMANAH KEBAJIKAN MASJID NEGERI SARAWAK



**USTAZ MOHD. SAFWAN BIN MAHLI**

**Tarikh Lahir:**  
**4 Februari 1991**

**Umur:**  
**27 tahun**

**Asal: Kuching, Sarawak**

**Tarikh Mula Berkhidmat:**  
**1 Mac 2016**

Ustaz Mohd. Safwan bin Mahli dilahirkan pada 4 Februari 1991 di Kuching, Sarawak. Beliau merupakan anak keempat daripada enam orang adik-beradik. Mula berkhidmat di Ma'had Tahfiz Tun Abdul-Rahman Ya'kub (MATTARY) pada 1 Mac 2016. Beliau aktif menyertai pertandingan hafazan surah lazim dan menjadi Johan Bahagian Kuching seawal usia 6 tahun semasa berada di Tadika KEMAS, Semerah Padi pada tahun 1997. Kemudian, beliau melanjutkan pelajaran sekolah rendah di Sekolah Rendah Kebangsaan Semariang pada tahun 1998 hingga tahun 1999 dan akhirnya berpindah sekolah ke Sekolah Kebangsaan Semerah Padi pada tahun 2000 hingga 2003.

Menyambung pelajaran pada peringkat sekolah menengah di SMKA Matang, Kuching pada tahun 2004 hingga 2008, Ustaz Mohd. Safwan sangat aktif dalam Ujian Tilawah al-Quran. Beliau juga pernah mewakili Sarawak dalam Pertandingan Tilawah al-Quran Peringkat Kebangsaan anjuran Kementerian Pelajaran Malaysia pada tahun 2005. Pada tahun 2008 pula, beliau mewakili Sarawak dalam Pertandingan Marhaban Peringkat Kebangsaan anjuran Kementerian Pelajaran Malaysia dan meraih tempat ke-3. Selain itu juga, beliau turut dinobatkan sebagai pembaca rawi terbaik dalam pertandingan tersebut.

Pada tahun 2009 hingga 2012, Ustaz Mohd. Safwan telah menyambung pengajian dalam bidang Diploma Tahfiz Quran Wal Qiraat di Darul Quran, JAKIM. Pada tahun 2012, beliau sekali lagi mewakili Sarawak untuk pertandingan Tilawah Al-Quran Peringkat Kebangsaan Kali Ke-56. Disamping itu, beliau telah diberi mandat untuk mewakili Negeri Sarawak dalam pertandingan Tilawah Al-Quran Dunia Melayu Dunia Islam (DMDI).

Pada tahun yang sama beliau juga menyertai kursus Sijil Tinggi Taranum selama tiga bulan anjuran JAKIM bertempat di Kuala Lumpur. Manakala, pada tahun 2018, Ustaz Mohd. Safwan telah menjadi Johan Qari Tilawah Al-Quran Peringkat Negeri Sarawak 1439H/2018m dan telah mewakili Negeri Sarawak bagi kategori Qari untuk Majlis Tilawah Al-Quran Peringkat Kebangsaan 1439H/2018M yang telah berlangsung pada 31 Mac 2018 hingga 6 April 2018 di Kompleks Islam Putrajaya (KIP), Putrajaya.

Selain aktif dalam hafazan, Ustaz Mohd. Safwan juga mempunyai hobi memasak dan membuat kek. Bermula daripada hobi tersebut, beliau mula bermula secara kecil-kecilan kek lapis dan katering. Justeru, besarlah harapan beliau untuk melihat anak tempatan khususnya berjaya dalam bidang al-Quran dan menjadi insan yang dapat berbakti kepada masyarakat di Negeri Sarawak khasnya dan dalam Islam itu sendiri secara amnya.



*Ustaz Mohd. Safwan bin Ali mewakili negeri Sarawak dalam Tilawah Al-Quran 2018*



*Merakam kenangan bersama Dato' Jorgi bin Haji Suhaili Mantan Imam Besar Negeri Sarawak*

# PROFIL PELAJAR MATTARY

LEMBAGA AMANAH KEBAJIKAN MASJID NEGERI SARAWAK



**HANAN HANIS BIN HAJI HASNAN**

**Tarikh Lahir:**  
**12 Januari 2006**

**Umur: 12 tahun**

**Asal: Kuching, Sarawak**

**Hobi :**  
**Bermain bola sepak dan Badminton**

Hannan Hanis bin Haji Hasnan merupakan salah seorang anak didik Ma'had Tahfiz Tun Abdul-Rahman Ya'kub (MATTARY) yang kini berada di tahun 6 Al-Farabi. Dalam kalangan rakan-rakannya, Hannan Hanis dikenali dengan panggilan Hanis. Hannan Hanis dilahirkan pada 12 Januari 2006 di Hospital Umum Sarawak dan merupakan anak sulung daripada dua orang adik-beradik. Pada masa lapang Hannan Hanis gemar menghabiskan masa dengan bersukan bersama rakan-rakannya.

Antara kenalan rapat Hannan Hanis di MATTARY ialah Muhd. Shafiq Akwa, Awg. Muhd. Gabriel dan Ahmad Uwais. Mata pelajaran yang diminati oleh Hannan Hanis ialah Matematik. Hannan Hanis pernah mendapat tempat kedua di dalam kelas semasa berada di Tahun 5. Hannan Hanis telah berjaya menghafal sehingga juzuk 26 surah Al-Azzariyat dipimpin oleh Ustazah Fatimahtuzzahrah. Hannan Hanis juga aktif dalam sukan bola sepak dan badminton. Hannan Hanis pernah mewakili sekolah dalam sukan bola sepak dan pernah menjaringkan gol untuk pasukannya hingga mendapat tempat ke-4 dalam perlawanan menentang sekolah Tunku Putra B. Selain itu, Hannan Hanis juga sering dipilih untuk membuat persembahan taekwando bagi program sekolah. Sehingga hari ini, Hannan Hanis telah mencapai tahap tali pinggang *blue tip* untuk taekwondo. Hannan Hanis juga pernah mendapat pingat emas dalam acara 400m dan 200m x 4 semasa



Bersama keluarga tersayang semasa Hari Raya



Di rumah, Hannan Hanis merupakan seorang anak yang baik dan mendengar kata. Hannan Hanis selalu mengaji dengan bapanya sebaik selesai menuanakan solat fardu. Selain itu, mereka sekeluarga sering melancong bersama setiap kali cuti sekolah akhir tahun. Antara tempat yang pernah dikunjungi oleh adik Hannan Hanis bersama keluarga ialah Sabah, Pulau Langkawi dan Kuala Lumpur. Makanan kegemaran Hannan Hanis ialah Grilled Salmon, Nasi Goreng Paket dan Roti Nan Cheese. Manakala minuman kegemarannya ialah Green tea dan Juice Dragon Fruit. Sebelum tidur, Hannan Hanis akan memastikan semua kerja rumah yang diberikan oleh guru telah disiapkan.

Besarlah harapan pihak LAKMNS dan MATTARY umumnya agar Hannan Hanis berjaya mencapai cita-cita dan menjadi anak yang soleh serta mendapat keputusan yang cemerlang dalam Ujian Penilaian Sekolah Rendah (UPSR) nanti. Inshaallah.



Gambar kenangan ketika melancong semasa cuti sekolah tahun 2017



Hannan Hanis bersama pasukan bola sepak MATTARY.

# Sudut Hafiz Cilik

## S A H A B A T K U

Sahabatku,  
Tiada kata yang dapatku ungkap,  
Sepanjang perkenalan kita,  
Ada pahit manisnya,  
Disaatku hiba,  
Kau sentiasa di sisiku,  
Walau aku gembira,  
Kau tetap menemaniku,  
Walau seribu kapal karam di tengah lautan,  
Sahabatku,  
Kau tetap tersemat di hatiku.



Hannan Hanis (6 al-Farabi)

## P E R W I R A K U

Ayahku,  
Tanpamu siapalah aku,  
Dengan keringatmu,  
Kau besarkanku,  
Dari kecil hingga dewasa,  
Kau tetap disisiku,  
Pengorbananmu tiada tandingan,  
Tak terkira baikmu kepadaku,  
Sungguh girang hatiku,  
Kerana kau ayahku yang mulia,  
Akanku balas segala jasamu ayah,  
Akanku bela segala penat lelahmu kelak



Haziq Hidayat (6 al-Farabi)



**BORANG PENYERTAAN KELAS AL-QURAN DEWASA  
ANJURAN PUSAT PENGAJIAN AL-QURAN TUN ABDUL-RAHMAN YA'KUB (PATARY)**

**PERHATIAN:**

- I. Silakan boleh dengan tulisan yang habis dan benar-buatan semata-mata.
- II. Sila setimbang 1 satuan kada pengembaraan.
- III. Yuran Pembentukan dikurangkan RM 50.00 setiap bulan.
- IV. Bayaran yuran hendaklah dibuatkan pada sesetengah awal bulan

**MAKLUMAT DIRI**

NAMA	:
JANTINA	:
NO. KAD PENCENALAN	:
TARIKH LAHIR	:
ALAMAT	:
NO. TELEFON	:
TARAF PENDIDIKAN	:
ALAMAT MAJIKAN	:
PEKERJAAN	:

**SILA TANDA '✓' PADA YANG BERKENAAN**

KELAS ASAS	:
KELAS PERTENGahan (TA'AWUD)	:
KELAS MAHIR (TARAF NUM)	:

**PERAKUAN PEMOHON**

Saya mengaku bawa semua keterangan di atas adalah benar dan akan mematuhi saraat-saraat yang ditetapkan oleh pihak pengajur.

Tarikh : \_\_\_\_\_ Tandatangan : \_\_\_\_\_  
**UNTUK PERTANYAAN SILA HUBUNGKU :**  
 NO. TEL : 082-443232 / 082-449813 (PUAN HARVATI BINTI MOHAMAD / PUAN NORNAH BINTI TAIB)  
 NO. FAX : 082-449815

**RM100.00 SEORANG**

**BORANG PENYERTAAN**

\* Sila lengkapkan rupa banting dibawah. Durang yang tidak lengkap akan dicadang.

NAMA:	:
NU. KAD PENCENALAN:	:
TARIKH LAHIR:	:
ALAMAT:	:
NO. TELEFON:	:
TARAF PENDIDIKAN:	:
PEKERJAAN:	:
ALAMAT MAJIKAN:	:

**UNTUK KEGUNAAN PEJABAT:**

NO. RESIT	:
TARIKH TERIMA	:
TARIKH COPI TERIMA	:

YURAN PENDAFTARAN:



**KURSUS  
*Pre Pekabuhinaw***

ANJURAN: LEMBAGA AMANAH KEBAJIKAN MASJID NEGERI SARAWAK  
DIKETUAQ OLEH: JABATAN AGAMA ISLAM SARAWAK (JAYS)

\* Pindah dari Kelas Al-Quran merupakan keperluan Tenaga Pengajar.

NO. TELEFON: 082-443 232, 082-449 813 (Puan Harvatı Binti Mohamad / Puan Normah Binti Taib)  
NO. FAX: 082-449 815 | EMAIL: patary.lakms@gmail.com

UNTUK KETERANGAN LANJUT SILA HUONGGI:  
 NO. TELEFON: 082-443 232, 082-449 813 (Puan Harvatı Binti Mohamad / Puan Normah Binti Taib)

\* Pindah dari Kelas Al-Quran merupakan keperluan Tenaga Pengajar.

Saya mengaku bawa semua keterangan di atas adalah benar dan akan mematuhi saraat-saraat yang ditetapkan oleh pihak pengajur.

Tandatangan: \_\_\_\_\_ Tarikh: \_\_\_\_\_